

苗栗縣西湖鄉僑文國民小學客語創意說唱戲劇學習腳本

題目：山城好風光

甲：自從毋識到裡往，毋知裡往恁擴張，山明水秀風景好，實在值得來觀光。嘿！請問大哥，這位到底係麼个所在呀？

乙：哦！你係初次來到這位係有？

甲：係呀！休閒假日个時節，有腳走冇路，想去遊樂區，人山又人海，想來尋看有人文地理，卡生趣个地方有？請你介紹一位分 知！

乙：呵！呵！呵！假日休閒何處去， 來推薦一位分人知，苗栗風景美如畫，觀賞桐花係尤其！

甲：桐花有麼个稀奇！

乙：哎呀！你就有所不知！桐花盛開真美麗，恰似群鶴樹上企，花落又像雪飛舞！美不勝收冇騙你！

甲：个看仔桐花，還有麼个人文並地理？

乙：个 就將苗栗十八鄉鎮一一介紹分你知！

甲：你慢慢說來哪！

乙：台中出發直直上，經過大安河來到苑裡庄，出產草笠名聲四海，戴頂草帽來到通霄海水个浴場，泗水又衝浪，還有出名个馬家庄，也算總統个故鄉，每年年初二發紅包，發分大家添福添壽財丁又兩旺。

甲：恁好喔！今年 乜愛來分紅包！再過上咧。

乙：再過上，後龍西瓜透心涼，造橋牛奶濃又香，竹南又有龍鳳港，愛食海產到這嚐！

甲：海產食咧，牛奶飲乜，西瓜也買吔！還有那好聊有？

乙：竹南一過順等中港溪水上，就係工業所在地出名個頭份庄；隔壁三灣梨，又甜又脆食咧發夢就會想；經過獅頭山，佛教聖地分人由心來敬仰；拜佛完畢到南庄，出名個桂花項，真多古蹟分你來觀賞，還有矮人祭，分你跳舞跳到大天光；抬頭望：獅潭仙山雲端上有聽講，仙水係治病好良方。

甲：有影也有影，乜裝兜轉來食轉來嚐。

乙：治病毋到食水也係會健康，溜下來泰安溫泉好泡湯，豆腐街肚老豆腐、嫩豆腐，愛食豆腐這位盡開放，食完豆腐泡完湯，一身疲勞走光光。落到田肚巷，摘到大湖草莓趕鮮嚐，摘完草莓你遽遽到公館食芋粄，紅棗飯，撈個三層覆菜湯。來到頭屋，看個明德水庫好風光；轉到苗栗市中央，政經所在地！有個三山國王廟，係客家民眾大家個信仰；又來到西湖鄉有全台最大個石雕媽祖娘，文旦甜、蕃薯香；一出五湖庄來到銅鑼鄉客屬園區在裡往，一片杭菊在田洋，杭菊茶飲落去，包你神清氣又爽。

甲：正經恁好嘿！

乙：毋會耗小隨便講，來到三義個街巷，木雕藝品歸路巷，鬼斧神工，樣樣逼真樣樣像。最後來到苗栗個最南項，就係卓蘭水果鄉，楊桃、椪柑、甜柿、葡萄項項甜又香。講忒十八鄉鎮個地方，毋知老弟你那位還不詳？

甲：哈！苗栗山城實在好地方，有食有聊，實在好觀光。

合：歡迎大家苗栗聊，包你收穫滿行囊啊！滿行囊！